

桐城吳先生集

23



廣陵書社

桐城吳先生集

23



廣陵書社

第二十三册

桐城吳先生點勘史記（六）一百三十卷 宣統元年 南宮邢氏刊

.....

桐城吳先生點勘史記

(六)

一百三十卷

宣統元年

南宮邢氏刊

時
空
大
海
之
歌

桐城先生點勘史記

萬石張叔列傳第四十三

史記一百三

萬石君名奮其父趙人也姓石氏趙亡徙居溫高祖東擊項籍過河內時奮年十五爲小吏侍高祖高祖與語愛其恭敬問曰若何有對曰奮獨有母不幸失明家貧有姊能鼓琴高祖曰若能從我乎曰願盡力於是高祖召其姊爲美人以奮爲中涓受書謁徙其家長安中戚里以姊爲美人故也其官至孝文時積功勞至太中大夫無文學恭謹無與比文帝時東陽侯張相如爲太子太傅免選可爲傅者皆推奮奮爲太子太傅及孝景卽位以爲九卿迫近憚之徙奮爲諸侯相奮長子建次子甲次子乙一作仁次子慶皆以馴一作訓行孝謹官皆至二千石於是景帝曰石君及四子皆二千

石人臣尊寵乃集其門號奮爲萬石君孝景帝季年萬石君以上大夫祿歸老于家以歲時爲朝臣過宮門闕萬石君必下車趨見路馬必式焉子孫爲小吏來歸謁萬石君必朝服見之不名子孫有過失不譙讓爲便坐對案不食然後諸子相責因長老肉袒固謝罪改之乃許子孫勝冠者在側雖燕居必冠申申如也僮僕訢訢如也唯謹上時賜食於家必稽首俯伏而食之如在上前其執喪哀戚甚悼子孫遵教亦如之萬石君家以孝謹聞乎郡國雖齊魯諸儒質行皆自以爲不及也

歸云借客形主往往有餘致汝綸案此語當是評齊魯諸儒皆自以

爲不及句

建元二年郎中令王臧以文學獲罪皇太后以爲儒者文多質少今萬石君家不言而躬行乃以長子建爲郎中令少子慶爲

內史建老白首萬石君尙無恙建爲郎中令每五日洗沐歸謁親
入子舍竊問侍者取親中肴廁身自浣滌復與侍者不敢令萬
石君知以爲常建爲郎中令事有可言屏人恣言極切至廷見如
不能言者是以上乃親尊禮之萬石君徙居陵一作里內史慶醉

歸入外門不下車萬石君聞之不食慶恐肉袒請罪不許舉宗及
兄建肉袒萬石君讓曰內史貴人入閭里里中長老皆走匿而內
史坐車中自如固當乃謝罷慶慶及諸子弟入里門趨至家萬石
君以元朔五年中卒長子郎中令建哭泣哀思扶杖乃能行歲餘
建亦死諸子孫咸孝然建最甚甚於萬石君建爲郎中令書奏事
事下建讀之曰誤書馬者與尾當五今乃四不足一上譴死矣甚

惶恐其爲謹慎。雖他皆如是。萬石君少子慶爲太僕。御出上問車中幾馬。慶以策數馬。畢舉手曰。六馬。慶於諸子中最爲簡易矣。然猶毛本作猶然如此。爲齊相。舉齊國皆慕其家行。不言而齊國大治。爲

立石相祠。元狩元年。上立太子。選羣臣可爲傳者。慶自沛守爲大子太傅。七歲遷爲御史大夫。元鼎五年秋。丞相有罪罷。制詔御史萬石君先帝尊之子孫。孝其以御史大夫慶爲丞相。封爲牧丘侯。是時漢方南誅兩越。東擊朝鮮。北逐匈奴。西伐大宛。中國多事。天子巡狩海內。脩上古禪祠。封禪興禮樂。公家用少。桑弘羊等致利。王溫舒之屬峻法。兒寬等推文學。至九卿更進用。事事不關決於丞相。丞相醇謹而已。在位九歲。無能有所匡言。嘗欲請治上近臣。

所忠九卿減

一作咸

宣罪不能服反受其過贖罪元封四年中關東

流民二百萬口無名數者四十萬公卿議欲請徙流民於邊以適

之上以爲丞相老謹不能與其議乃賜丞相告歸而案御史大夫

以下議爲請者丞相慚不任職乃上書曰慶幸得待罪丞相罷驚

無以輔治城郭

震澤本作廓

倉庫空虛民多流亡罪當伏斧質上不忍

致法願歸丞相侯印乞骸骨歸避賢者路天子曰倉廩旣空民貧

流亡而君欲請徙之搖蕩不安動危之而辭位君欲安歸難乎以

書讓慶慶甚慚遂復視事慶文深審謹然無他大略爲百姓言後

三歲餘太初二年中丞相慶卒諡爲恬侯慶中子德慶愛用之上

以德爲嗣代侯後爲太常坐法當死贖免爲庶人慶方爲丞相諸

子孫爲吏。更至二千石者十三人。及慶死後。稍以罪去。孝謹益衰。

矣。建陵侯衛綰者。代大陵人也。

梁云大陵屬太原。而云代大陵者。文帝封代高祖詔取山南太原之地。益屬代故。

綰以戲車爲郎。事文帝。功次遷爲中郎將。醇謹無他。

孝景爲太子時。召上左右飲。而綰稱病不行。文帝且崩時。屬孝景。

曰。綰長者。善遇之。及文帝崩。景帝立。歲餘。不噍呵綰。

索隱噍呵音誰何。野客叢

談云史記不誰何。綰傳寫誤爲噍呵。男闔生謹案。索隱本當亦作誰何音譙訶耳。

綰曰。以謹力。景帝幸上。

林。詔中郎將參乘。還而問曰。君知所以得參乘乎。綰曰。臣從車士。

幸得以功次。遷爲中郎將。不自知也。上問曰。吾爲太子時。召君。君。

不肯來。何也。對曰。死罪實病。上賜之劍。綰曰。先帝賜臣劍。凡六劍。

不敢奉詔。上曰。劍人之所施。易獨至今乎。綰曰。具在上。使取六劍。

劍尚盛未嘗服也。郎官有譴，常蒙其罪，不與他將爭。有功，常讓他將。上以爲廉忠實，無他腸。乃拜綰爲河間王太傅。吳楚反，詔綰爲將，將河間兵，擊吳楚有功，拜爲中尉。三歲，以軍功，孝景前六年中，封綰爲建陵侯。其明年，上廢太子，誅栗卿之屬，上以爲綰長者，不忍，乃賜綰告歸，而使郅都治捕栗氏。旣已，上立膠東王爲太子，召綰拜爲太子太傅。久之，遷爲御史大夫。五歲，代桃侯舍爲丞相。朝奏事如職所奏，然自初官，官漢書作宦以至丞相，終無可言。天子以爲敦厚，可相。少主尊寵之，賞賜甚多。爲丞相三歲，景帝崩，武帝立，建元年中，丞相以景帝疾時，諸官囚多坐不辜者，而君不任職，免之。其後，綰卒，子信代坐酎金失侯。塞侯直不疑者，南陽人也，爲郎事

文帝其同舍有告歸誤持同郎金去已而金主覺妄意不疑不疑
謝有之買金償而告歸者來而歸金而前郎亡金者大慙以此稱
爲長者文帝稱舉稍遷至太中大夫朝廷見人或毀之曰不疑狀
貌甚美然獨無奈其善盜嫂何也不疑聞曰我乃無兄然終不自
明也吳楚反時不疑以二千石將兵擊之景帝後元年拜爲御史
大夫天子脩吳楚時功乃封不疑爲樂侯武帝建元年中與丞相
綰俱以過免不疑學老子言其所臨爲官如故唯恐人知其爲吏
跡也不好立名稱稱爲長者○塞侯所爲今所謂盛德長者也而
史公以微巧目之此孔子惡鄉愿之
惜不疑卒子相如代孫望梁云望乃
堅之誤坐酎金失侯郎中令周文者
名仁其先故任城人也以醫見景帝爲太子時拜爲舍人積功稍

遷孝文帝時至太中大夫景帝初卽位拜仁爲郎中令仁爲人陰
重不賦常衣敝補衣溺袴期爲不絜清以是得幸景帝入臥內於
後宮祕戲仁常在旁至景帝崩仁尙爲郎中令終無所言上時問
人仁曰上自察之然亦無所毀以此景帝再自幸其家家徙陽陵
上所賜甚多然常讓不敢受也諸侯羣臣賂遺終無所受武帝立
以爲先帝臣重之仁乃病免以二千石祿歸老子孫咸至大官矣
御史大夫張敖者名歐安巨侯說之庶子也梁云庶子漢書作少子孝文時
以治名言事太子然歐雖治刑名家其人長者景帝時尊重常
爲九卿至武帝元朔四年韓安國免詔拜歐爲御史大夫自歐爲
吏未嘗言案人專以誠長者處官官屬以爲長者亦不敢大欺上

具獄事有可卻卻之不可者不得已爲涕泣面而封之面下依漢書滅對字其愛人如此老病篤請免於是天子亦策罷以上大夫祿歸老于家。家於陽陵子孫咸至大官矣。

大史公曰仲尼有言曰君子欲訥

一作訥

於言而敏於行其萬石建

陵張叔之謂邪是以教不肅而成不嚴而治塞侯微巧而周文處譴君子譏之爲其近於佞也然斯可謂篤行君子矣。

汝綸案此篇以佞字爲主

孝謹美德也然近於巧佞君子慎之曾文正公嘗爲余言太史公真知道其去孔子六遠觀此等文其辨于朱紫苗莠者不其微哉